

# **Ilinniartut ineqarfii pillugit Inatsisartut Inatsisaata allanngortinnissaa pillugu Inatsisartut Inatsisaat (Ilinniartup toquneranut atasumik ilinniartut inaata attatiinnarallarnissaa, sungusaammik suliffeqarallarnermut atatillugu imaluunniit ilinniariartorneq peqqutigalugu peqannginnermi ilinniartunut inissiap atugassiissutiginissaanut pisussaaffiup erseqqissarnera, soraarummeerluni naggataarnermi atatillugu nuunnissamik piumasqaatip saneqqunneqarnissaanut periarfissaanera kiisalu oqaatsitigut iluarsiinerit)**

## **§ 1**

Ilinniartut ineqarfii pillugit Inatsisartut inatsisaanni nr. 42, 12. december 2019-imeersumi, Inatsisartut inatsisaatigut nr. 3, 25. Maj 2022-imi allanngortinnejartumi, ima allannguisoqarpoq:

**1. § 1, imm. 2, imatut oqaasertalerneqarpoq:**

"*Imm. 2. Taaguutigineqartumi ilinniartut allaneersut paasineqassaaq ilinniagaqartut ilinniarnerup aallartinnissaa sivikinnerpaamik ukiut 2-t sioqqullugit kipisuitsumik illoqarfiiup ilinniarfiusup avataani najugaqartutut inuit allattorsimafianni nalunaarsornejarsimasut.*"

**2. § 4-mi imm. 7-tut ilanngunneqassaaq:**

"*Imm. 7. Ilinniartup toqunerani aappaasoq inooqataasorluunniit piffissami qaammatit 4-t tikillugit ilinniartunut inissiami najugaqaannarsinnaatitaavoq.*"

**3. § 5 ima oqaasertaqassaaq:**

"**§ 5.** Ilinniartoq illoqarfimmi ilinniagaqarfimmini allamik inimik atugassaqartitaasoq imaluunniit apparisaq inooqatigisarluunniit suliffimminut atatillugu ineqartinnejartup, ilinniartut ineqarfianni inimik atugassineqarnissamut imaluunniit atugarisap tigummiinnarnissaanut pisinnaatitaanngilaq. Taamaaqataanik atuuppoq sulisitsisoq suliffimmik misiliinermik isumaqatigiissummut atasumik ilinniartup atugassaanik inissiaqartitsippat, imaluunniit inimik pisariaqartitsineq ilinniartup nammineq pisariaqartitaanik aallaaveqarpat."

**4. § 6, imm. 1, imatut oqaasertalerneqassaaq:**

"*Ilinniartoq ilinniagaqartunut inissiamik tunineqarsinnaajumalluni, tamatumalu atuinnarsinnaaneranut Naalakkersuisunut nalunaaruteqassaaq paassisutissanik tamanik, inissiamik tunineqarnissamut imaluunniit inigisamik tigumminniinnarnissamut pisariaqartunik, tamatumunngalu akiliuteqartarnermut pisariaqartunik, tamatumani aamma inimik pisariaqartitsinermut paassisutissanik, naalagaaffimmik innuttaaneq, inuup normuanik aamma inoqutigiinni ilaasut tamarmik atiinik, ilaqtariinnermi*

paasissutissat aamma inoqutigiit isertitaannik, ilinniakkamik sumi tiguneqarsimanermik, ilinniakkamik ingerlatsinermik aamma illoqarfiup ilinniarfiup avataani najugaqarnermik.”

**5. § 17, imm 1, imatut oqaasertalerneqassaaq:**

” Ilinniartut ineqarfianni inissiamik atugassiisoqarnerani ilinniartut ineqarfianni najugaqartumut peqataasut inoqutigiit amerlassusaat sillimaffigineqassapput, ilinniartup meerai 18-it inorlugit ukiullit, aappaan inooqataaluunniit ilinniagaqarnersiutini tamanna pillugu malittarisassat naapertorlugit akiliunneqarlutik angalasinnaatitaappata, taamaattorli tak. imm. 2.”

**6. § 23, imm. 1, nr. 1-2 ima oqaasertalerneqassapput:**

”1) ilinniartut ineqarfiat atugassiisutigineqartumit malittarisassat uniorlugit atorneqarnersoq paasineqarnissaa siunertalarlugu misissorneqarpat,  
2) aserfallatsaaliinerup qanoq issusianik nakkutilloqarnerani,”

**7. § 34, imm. 1, oqaaseqatigiit aappaat, imatut oqaasertalerneqassapput:**

” Tamannali atuutissangilaq ilinniartup najugaqatigisaani inoqutigiinni ilaappata meeqqat 18-it inorlugit ukiullit, apparisaq imaluunniit inooqatigisaq, ilinniagaqarnersiuteqarnermut malittarisassat atuuttut naapertorlugit akiliunneqarlutik angalasinnaatitaasut, inoqutigiit tamarmik ilinniartup ilinniarnermut atatillugu suliffimmikkallarnerani imaluunniit atuarfimmikkallarnerani ilaanggippata.”

**8. § 36, imm. 1, imatut oqaasertalerneqassaaq:**

” Ilinniartut ineqarfianni najugaqartup tungaanit taamaatisineq sivikinnerpaamik qaammat ataaseq sioqqullugu qaammatip naanissaanut allakkatigut ilimasaarinikkut pissaaq, attartorneq pillugu isumaqatigiissummi sivikinnerusumik ilimasaarisoqarnissaanik aalajangersaasoqarsimanngippat.”

**9. § 38, imm. 2, allanngortinneqassaaq “taamaattorli tak. imm. 3” imatut: “taamaattorli tak. imm. 3 aamma 4.”**

**10. § 38-mi imm. 4-tut ilanngunneqassaaq:**

” Imm. 4. Ilinniartup soraarummeerluni naggataarneranut atatillugu imm. 2-mi piumasaqaatip saneqqunnissaanut Naalakkersuisut piginnaatinneqarput.”

**§ 2**

Inatsisartut inatsisaat 1. januar 2024-mi atuutilissaaq.

Namminersorlutik Oqartussat, ulloq 20. novembari 2023

**Múte Bourup Egede (atsior.)**

Naalakkersuisut Siulittaasuat

Namminersorlutik Oqartussat  
Imaneq 4  
3900 Nuuk  
E-mail: nsninatsit@nanoq.gl

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut